

Landesbibliothek Oldenburg

Digitalisierung von Drucken

Anthropologia Anatomico-Physica

Baumer, Johann Wilhelm

Francofurti, 1784

VD18 11680695

Vorwort

urn:nbn:de:gbv:45:1-16622



PROOEMIUM.

Ilicet, Benevole Lector, medicina circa exortum suum, accurata historiarum naturalium, anatomiarum, chemiarum ac physicarum cognitione destituta, debilis & ars coniecturalis haud immerito dicta fuerit; attamen Veteres, in primis Græcos, apud quos aliquanto magis, quam in cæteris nationibus, exculta est, tam naturæ cognitionem, quam artificiosam corporum mortuorum dissectionem etiam atque etiam commendasse, accuratumque in signis morborum cognoscendis describendisque studium adhibuisse, minime negandum est. Postquam autem sæculis proxime elapsis, nostrisque temporibus, historiarum naturali, anatomiarum, chemiarum, pathologiae

PROŒMIUM.

ac therapiaë insignis opera a Philosophis ac Medicis navata est; res longe aliter se habet, & medicina inter scientias probe fundatas, ac reipublicæ inprimis utiles, meritum locum, suo iure, occupat: Nam, ut ut dictæ disciplinæ auxiliatrices Medicos non faciant; aptiores tamen medicinæ procul dubio reddunt. **O**mnium etiam Recentiorum conamina laude digna sunt, quod, repudiatis hypothefibus, harumque centonibus, experienciis experimentisque litent, atque ex his accurate captis, ac probe pensatis, dogmata rationalia demum deducant: Quis enim, accuratam naturæ cognitionem, corporumque mortuorum incisionem, viscerum intestinorumque scrutationem, eorumque positus atque ordinis notitiam oppido necessarias esse, non perspiciet? Quis porro, illis destitutus, de rerum naturalium viribus atque usu recte iudicabit? aut quis, si dolor intus incidit, scire potest, quid doleat, quæ remedia extrinsecus rite exhibenda,

PROŒMIUM.

aut quomodo intrinsecus succurrendum fit, qui, qua in parte quodvis viscus intestinumve sit, non cognoverit? His autem rite investigatis, quomodo vires & corporis actiones eveniant, & qua ratione morbis, inter hæc nascentibus, occurrendum, vel iam præsentibus medendum sit, demum perspicere possumus. His sane fundamentis pathologia ac therapia medico-chirurgicæ prudenter superstructæ insignem mortalibus, in multiplicibus suis miseriis, spondent operam. In ipsa autem medicina facienda assiduis accuratissimisque observationibus, & peracri iudicio practico opus est, ut, cognita morbi causa, convenientissima, quovis morbi tempore, adhibeantur remedia, salutaria naturæ molimina prudenter adiuvemus, nec unquam recedamus a rectis illius vestigiis. Ipse vero arctior disciplinarum auxiliatricum & medicarum nexus desiderare videtur, ut proxime cognatæ simul pertractentur; id quod, discipulis egregium intellectus ac

P R O Æ M I U M.

memoriæ adminiculum esse, videtur: v. c. perspecta partis cuiusdam structura & connexione, natura & actio eius commodissime declaratur ac intelligitur, morboque cum suis signis caussisque accurate cognito, expeditissimam rectissimamque medendi viam ingredimur. Hanc ob causam, anatomica ac physiologica, ac dein pathologica ac therapeutica, haud inconcinne sibi invicem subiungi posse, arbitror; licet disciplinæ cognatæ hoc modo inter se copulatæ longius exercitium desiderent. Dari autem quoddam genus hominum, omnia quam brevissime, & quasi per saltum, transigenda esse, arbitrantium, me quidem non fugit; sed ne cum canibus festinantibus cæcos catulos pariant, illi ipsi videant, & sic humani generis salutem non bene, sed pessime, consulant. Cum in alma celeberrimaque Academia Erfurthina medicinam profitebar, atque theatro anatomico præeram, insignis corporum humanorum mortuorum copia adfuit, sin-

P R O Æ M I U M.

gulisque annis omnes anatomix partes, per plures dierum horas, tractabantur, visaque & reperta sollicitè consignabantur. Quæ tum temporis, laboribus Dominorum Philosophiæ & Medicinæ Professorum egregiis studia philosophico-medica simul laudabiliter adiuvantibus, non solum notabilem Studioforum medicinæ frequentiam invitavit solideque, in reipublicæ commodum, erudivit; sed etiam his meis thesibus anatomico-medicis, nunc demum edendis, uberem materiam præbuit; quibus conaminibus auctorum anatomicorum probatissimorum, in bibliotheca mea servatorum, observationes a me accurate citatæ, suisque inventoribus redditæ, accedunt. An respectu ordinis materialium, orationis & stili, rerum mearum fategerim, horum peritos iudices facio, illosque insuper rogo, ut, si forte alicubi a recto tramite recesserim, me haud invitum, sed potius gratum, in viam reducant. Invidorum autem cavillationes mi-

PRO ÆMIUM.

nime, pro more hætenus servato, curaturus sum; cum reipublicæ, animum meum satis occupanti, tempora mea, non autem illorum naniis, dicata sunt. Summo Numine, ut hætenus, integras mentis corporisque vires clementer largiente, iam in eo occupatus sum, ut, medicina per septem Iustra strenue facta, collectis, que meis observationibus practicis, fundamenta pathologico-therapevtica ponam, eaque cum Philiatris sedulo communicem. Tu vero, Benevole Lector, semper feliciter agas, atque conaminibus nostris favere, pergas.

Dabam Giessæ pridie Calend. Septembr.
M DCC LXXXIII.



CAP. I.

*De homine eiusque natura & actionibus
generatim agens.*

§. I.

Corporis humani partes, earum structu-
ram, positum, figuram atque conne-
xionem scientia illud artificiose dissecandi,
Anatome, at naturam, cum actionibus inde
fluentibus, Physiologia docent. Cum hæc
fine illa manca sit; anatomicam cuiuslibet
partis eamque brevem quidem, at sufficien-
tem, descriptionem primum dabo, atque
dein ad eius vim naturalem & actiones tran-
sibo, & quidem, quantum fieri potest, eo-
dem ordine, quem natura, dum aliæ ex
aliis fluunt, observat.

*Anatomia
& Phy-
siol. diffe-
rentia.*

§. II.

Ex corpore organico, vivo, & mente
rationali, quæ actionibus suis inter se con-
spirant, homo constat. Mentis essentiam
concipere atque declarare non possumus,
eius autem naturam vi cogitandi absolvi, ex
actionibus eius intelligere licet.

*Essentia
hominis.*

A